



# COMEUNE DE CONDOVE

VELÒ METROPOLITAN-NA DE TURIN  
Plahe Martiro de la Libertà n.7 10055 CONDOVE  
Tel. 0119643102 - Fax 0119644197

## VERBAL DE DELIBERASHON DE LA DZOUINTA COMUNALA N. 164

---

**ODZEUT:** ISTITUSHON DEFINITIVA DO MARCHÒ DE PRODOUÏ AGRICOLO E ESSELEINSE DO TERRITOUÉRO AN ROUÀ BATTISTI DO 9 DZENÉR 2021.

---

L'eunn doueumilevenn incoueu venteouit do mei de deseimbro a 23 oure e 55 meneute, an videoconfereinse i seins do Decret do Santicó n. 6 do 19.10.2020, vu l'osservanse de toteu le formalitaie prehreseuve de la vedzeinta normativa, ou sont ihà convocà a la seanse li componeunn de la Dzouinta Comunala din le presseneu de:

Conhon e Non	Preseunn
1. SUPPO Jacopo - Santicó	Ouò
2. BONAVERO Chiara - Visse Santicó	Ouò
3. RIVA Susanna - Assessour	Ouò
4. ALLAIS Giorgia - Assessour	Ouò
5. BELTRAME Riccardo - Assessour	Ouò
	Totalo Preseunn: 5
	Totalo Asseunn: 0

Ou preunt la presideinse lo Santicó SUPPO Jacopo.

Ou partissipe a la seanse lo Segretéro Comunalo Dr. CANE Alberto.

Lo Presideunn, arcunussouò legala l'adunanse, ou declhare iverta la seanse.

**ODZEUT: ISTITUSHON DEFINITIVA DO MARCHÒ DE PRODOÙ AGRICOLO E ESSELEINSE DO TERRITOUÉRO AN ROUÀ BATTISTI DO 9 DZENÉR 2021.**

## **LA DZOUINTA COMUNALA**

**Armandaia** la deliberarashon de Dzouinta comunala n. 73 do 15 zouin 2020, avó laquinta ou venet istituì an viò sperimentala in marchò agricolo an Rouà C. Battisti din lo morsel comprein entre la Plahe Martiro de la Libertà e Rouà B. Buozzi, pandeunn lo tsotein, do 27 zouin o 26 seteimbri, din lo 2° e 4° dessando do mei, de 14.30 oure a 18.30 oure;

**Armandaia** la deliberarashon de Dzouinta comunala n. 117 do 30 seteimbri 2020, avó laquinta i se dessidave de prorogar encorò an forma sperimentala lo marchò de prodouì agricolo e esseleinse do territouéro de petiote dimenshon, pre la perioda de trei mei (do 3 otobri o 31 deseimbri 2020) costituì de pa plu de 15 plahe métre 3x3, din l'apré-donar de tsaque dessando do mei, avó ouréro de derolemeunn de 14.30 oure a 18.30 oure, an trasfereunn li operatour commershala preseunn desòt l'ala do marchò cuvert an Rouà B. Buozzi an occazhon de le dzornaie de mové tein;

**Entendù** que l'istitushon do marchò de prodouì agricolo e esseleinse do territouéro, avó lo but d'omentar la semonsa commershala de prodouì a km.0 do caro de les asiende agricole preseinte dessù lo territouéro, lh'enteunt terér inot les attivitaie de veinta di entreprenour agricolo localo, dzò deveunn penalizhò de la crise economicca, daréremeunn engravaia de le consequeinse de l'emerdzeinse epidemiolozhica Covid-19;

**Atandù** que la perioda de sperimentashon do marchò agricolo lh'eut freniò positivameunn e lh'at avoù d'efet positivo e favorablo sisse do caro di operatour commershala, que do pebblico proposà pre li atset di prodouì agricolo betà an veinta, an revitalizheunn la semonsa commershala d'ihéu;

**Artenu** bieunn de reindre definitivo lo derolemeunn do marchò agricolo an Rouà C. Battisti din lo morsel comprein entre la Plahe Martiro de la Libertà e Rouà B. Buozzi do 9 dzenér 2021, de 14 oure e 30 a 18 oure e 30 de tsaque dessando do mei, an deplahieunn li operatour preseunn desòt l'ala do marchò cuvert an Rouà B. Buozzi an occazhon de le dzornaie de mové tein;

**Considerà** que, an considerashon de l'estat d'emerdzeinse sanitéra cosà de la difuzhon do virus Covid-19, lo termo de le prossedeure d'assinhashon de le plahe ahablì din lo neumbro de 15 plahe de 3x3 métre tsacunò, ou l'eut armandà pre ina perioda tein qu'i 16 dzenér 2021, an consanteunn i operatour agricolo d'alar ineunn din l'attivitá din le more de la concluzhon de le prossedeure amministrative;

**Artenu bieunn** d'apportar le nessessére modifichashon o preesesteunn desseplinéro pre lo derolemeunn do marchò agricolo tal que endecà an premisa, an ilieunn a la preseinta deliberashon ensin a la planimetrì de l'ére mercatala enterishò, pre fare-zenn pert entegreinta e sostanshala;

**Artenu** bieunn d'approve e otorizhér la prosecushon definitiva do marchò agricolo, an esprimeunn adreita favorabla a la conseshon gratouita do solo pebblico, an accord avó le linhe dzenerale nashonale pre lo superameunn de le deficultaie économique endzendraie de l'epidemi coronavirus, an ensardzeunn li ufisho comunalo d'adottar li nessesséro provvedimeunn i but de conseintre la realisashon de l'inissiativa méma;

**Acquisie** les adreite favorable an ordre a la regularità tecnicca e contabla do preseunn at espresiaie do Responsabla do Sarvisho Vedzelanse e de l'Ére Economicco/Finanshére i seins de l'art. 49 coma 1 do D.Lgs. 267/2000;

Avó votashon favorabla de tout

Tòt heunn prebetà,

## **LHE DELIBÉRE**

**D'approvar** la premisa narrativa an teunn que pert entegreinta do preseunn provvedimeunn;

**D'approvar** l'istitushon definitiva do marchò de prodouì agricolo e esseleinse do territouéro de petiote demanshon do 9 dzenér 2021, fet de pa plu de 15 plahe métre 3x3, din l'apré-donar de tsaque dessando do mei, avó ouréro de 14 oure e 30 a 18 oure e 30, an deplahieunn li operatour preseunn desòt l'ala do marchò cuvert an Rouà B. Buozzi an occazhon de le dzornaie de mové tein;

**D'approvar** lo Desseplinéro e la planimetrì do marchò di prodouì agricolo e esseleinse do territouéro iliaie a la preseinta deliberashon, pre fare-zenn pert entegreinta e sostanshala;

**D'ahabli**r que, i but de la partissipashon di operatour, i se faseret ina plu ampla enformashon e peblessità a la prosecushon definitiva do novo marchò odzeut de la preseinta deliberashon, moueieunn tsaque strumeunn artenu utilo pre la difuzhon de les enformashon;

**D'ahabli**r que, an considerashon de l'estat d'emerdzeinse sanitéra cosà de la difuzhon do virus Covid-19, lo termo de le prossedeure d'assinhashon de le plahe ahablì din lo neumbro de 15 plahe de 3x3 métre tsacunò, ou l'eut armandà pre ina perioda tein qu'i 16 dzenér 2021, an consanteunn i operatour agricolo d'alar ineunn din l'attivitá din le more de la concluzhon de le prossedeure amministrative;

**De enviar** lo preseunn at o Responsablo de l'Ére Vedzelanse pre l'attuashon e l'adoshon de tout li provvedimeunn consequenn e nessesséro do preseunn provvedimeunn.

**De declharar** la preseinta deliberashon fit adzibla, i seins de l'art. 134 coma 4 do D.Lgs. 18 o 2000 n° 267, vue l'urdzeinse d'assuré lo perfeshonameunn de la prossedeura.

Lesù, confirmà e souhresù

LO SANTICÓ  
Firmà Dedzetameunn  
SUPPO Jacopo

LO SEGRETÉRO COMUNALO  
Firmà Dedzetameunn  
Dr. CANE Alberto